

*ცვლილებები შეტანილი და დამტკიცებულია  
აკადემიური საბჭოს სხდომაზე #1 30.01.2012*

**სასწავლო პროცესის მარეგულირებელი წესი**

**მუხლი 1. ძირითადი დებულებები**

წინამდებარე წესი განსაზღვრავს თბილისის სასწავლო უნივერსიტეტ "გორგასალში" სტუდენტის სტატუსის მოპოვების, შეჩერების, შეწყვეტის, აღდგენის, სტუდენტის პირადი საქმის წარმოების, აკადემიური კალენდრისა და სასწავლო დატვირთვის, სემესტრული გადასახადის, დამატებითი სემესტრის გავლის, გამოცდების ჩატარებისა და სტუდენტის ცოდნის შეფასების წესის, აკადემიური ხარისხის მინიჭების, დიპლომის და დანართის გაცემის, სტუდენტთა მობილობის წესით ჩარიცხვის, მიღებული განათლების აღიარების, განსაკუთრებული საგანმანათლებლო საჭიროების მქონე სტუდენტების, სტუდენტის მიერ სპეციალობის შეცვლის, საბაკალავრო და სამაგისტრო პროგრამების გაუქმების ან შეცვლის შემთხვევაში მათი შემდგომი განათლებით უზრუნველყოფის პროცედურას და წესებს.

**მუხლი 2. სტუდენტის სტატუსის მოპოვება**

1. ბაკალავრიატის სწავლების საფეხურზე საქართველოს მოქალაქეებისათვის სტატუსის მოპოვების საფუძველია ერთიანი ეროვნული გამოცდების შედეგები; გამოცდების ეროვნული ცენტრის მიერ მოწოდებული სიების, ან საქართველოს კანონმდებლობით დადგენილი საგამონაკლისო წესით, საქართველოს განათლებისა და მეცნიერების მინისტრის ბრძანების საფუძველზე ან/და საკანონმდებლო აქტების მოთხოვნათა დაცვის, მობილობის წესით გადმოყვანის საფუძველზე რექტორი გამოსცემს ინდივიდუალურ სამართლებრივ აქტს სტუდენტის ჩარიცხვის შესახებ;
2. მაგისტრატურაში ჩარიცხვა ხორციელდება საერთო სამაგისტრო გამოცდების შედეგებისა და მაგისტრატურაში მისაღები შიდა საუნივერსიტეტო გამოცდების ან საქართველოს კანონმდებლობით დადგენილი საგამონაკლისო წესით, საქართველოს განათლებისა და მეცნიერების მინისტრის ბრძანების საფუძველზე ან/და საკანონმდებლო აქტების მოთხოვნათა დაცვის, მობილობის წესით გადმოყვანის საფუძველზე, რის შემდეგაც რექტორი გამოსცემს ინდივიდუალურ სამართლებრივ აქტს სტუდენტის ჩარიცხვის შესახებ;
3. მონაცემები ჩარიცხული სტუდენტის შესახებ, რექტორის ინდივიდუალური სამართლებრივი აქტის გამოცემის შემდეგ, კანონმდებლობით დადგენილ ვადაში, თუმცა არაუგვიანეს 30 კალენდარული დღისა, ადმინისტრაციას შეაქვს სტუდენტთა რეესტრში.
4. სტუდენტის საგრანტო კონკურსში გრანტის მოსაპოვებლად (გასაუმჯობესებლად) მონაწილეობის საკითხს აწესრიგებს "ერთიანი ეროვნული გამოცდების ჩატარების დებულება"
5. სტუდენტის ჩარიცხვის აუცილებელი წინაპირობაა ადმინისტრაციული რეგისტრაციის გავლა უნივერსიტეტში დადგენილი წესების დაცვით;
6. სტუდენტის სემესტრული რეგისტრაცია ხორციელდება ორ ეტაპად: ადმინისტრაციული- სწავლის საფასურის გადახდით და აკადემიური (საგნობრივი).

**მუხლი 3. სტუდენტის სტატუსის შეჩერება/აკადემიური შვებულება**

1. სტუდენტის სტატუსის შეჩერების საფუძველია:

- ა) ადმინისტრაციული რეგისტრაციის გაუვლელია.
  - ბ) მობილობის ფარგლებში სხვა სასწავლებელში გადასვლის შესახებ განცხადების დარეგისტრირება.
2. სტუდენტის სტატუსის შეჩერების შესახებ გამოიცემა რექტორის ინდივიდუალური სამართლებრივი აქტი და მონაცემები დადგენილი წესით შეიტანება სტუდენტთა რეესტრში;

3. სტუდენტს აკადემიური შვებულება ეძლევა:

- ა) უცხოეთში სწავლის გაგრძელების მიზნით (დოკუმენტურად დადასტურებული), არა უმეტეს სამი წლის ვადით გარდა იმ შემთხვევისა, როცა დოკუმენტურად დადასტურდება სასწავლო პროგრამის მეტი ხანგრძლიობა;
  - ბ) სავალდებულო სამხედრო სამსახურში გაწვევის გამო (სათანადო დოკუმენტით დადასტურებული);
  - გ) მძიმე ავადმყოფობის მიზეზით (დოკუმენტურად დადასტურებული);
  - დ) ოჯახის ავადმყოფ წევრებზე მეურვეობის მიზნით, ორსულობისა და ახალშობილთა მოვლის გამო (არა უმეტეს 2 სემესტრისა, დოკუმენტურად დადასტურებული);
4. აკადემიურ შვებულებაში მყოფი სტუდენტი სწავლას აგრძელებს იმ სემესტრიდან, სადაც შეუჩერდა სტუდენტის სტატუსი;
5. ადმინისტრაციული რეგისტრაციის გაუვლელია შემთხვევაში, სტატუსის შეჩერებისას, სემესტრის ათვლა გრძელდება და სტუდენტი სწავლას აგრძელებს იმ სემესტრიდან, რომელშიც ვალდებულია გაიაროს ადმინისტრაციული რეგისტრაცია.

**მუხლი 4. სტუდენტის სტატუსის შეწყვეტა**

1. სტუდენტის სტატუსის შეწყვეტის საფუძვლებია:
- ა) პირადი განცხადება;
  - ბ) სტუდენტის მიმართ სისხლის სამართლის საქმეზე გამამტყუნებელი განაჩენის კანონიერ ძალაში შესვლა;
  - გ) დაწესებულებისათვის ისეთი ყალბი დოკუმენტის ან არასწორი ინფორმაციის წარდგენა ან ისეთი ინფორმაციის წარუდგენლობა, რაც გავლენას იქონიებდა სტუდენტის ჩარიცხვის შესახებ დადებითი გადაწყვეტილების მიღებაზე;
  - დ) საგანმანათლებლო პროგრამის შეუსრულებლობა აკადემიური ხარისხის მოსაპოვებლად დადგენილ ვადებში;
  - ე) საქართველოს კანონმდებლობით და დაწესებულების მარეგულირებელი აქტებით განსაზღვრულ მოთხოვნათა შეუსრულებლობა;
  - ვ) გარდაცვალება.
2. სტუდენტის სტატუსი შეწყვეტილ პირს არ უბრუნდება სწავლის გადახდილი საფასური.

**მუხლი 5. სტუდენტის სტატუსის აღდგენა**

- 1. სტუდენტის სტატუსის აღდგენა შესაძლებელია იმავე აკადემიური პროგრამის ფარგლებში;
- 2. სტუდენტის სტატუსის აღდგენის შემთხვევაში სტუდენტს ჩაეთვლება სტატუსის შეჩერებამდე ათვისებული კრედიტები და სწავლის გადახდილი საფასური;
- 3. სტუდენტის სტატუსის აღდგენის მოთხოვნით სტუდენტს უფლება აქვს განცხადებით მიმართოს რექტორს. განცხადებაში უნდა მიეთითოს სტუდენტის სტატუსის შეჩერების გარემოებათა დასრულების შესახებ და თან დაერთოს შესაბამისი მტკიცებულებითი დოკუმენტაცია;
- 4. სტუდენტის სტატუსის აღდგენის შესახებ გამოიცემა რექტორის ინდივიდუალური სამართლებრივი აქტი და მონაცემები დადგენილი წესით შეიტანება სტუდენტთა რეესტრში;

5. სტუდენტის სტატუსის შეჩერება და აღდგენა შესაძლებელია ერთი აკადემიური პროგრამის ფარგლებში, კანონმდებლობით დადგენილი წესით.

### **მუხლი 6. სასწავლო ხელშეკრულება**

რექტორის მიერ სტუდენტის ჩარიცხვის შესახებ ინდივიდუალური სამართლებრივი აქტის გამოცემის შემდეგ ადმინისტრაცია უზრუნველყოფს სტუდენტთან სასწავლო ხელშეკრულების გაფორმებას და გასცემს სტუდენტზე რექტორის მიერ დამტკიცებული ნიმუშის სტუდენტის ბარათს;

### **მუხლი 7. სტუდენტის პირადი საქმე**

1. სტუდენტის პირადი საქმე მოიცავს:

- ა) ჩასარიცხად წარმოდგენილ ყველა დოკუმენტს;
  - ბ) სასწავლო ხელშეკრულებას;
  - გ) სტუდენტის სასწავლო ბარათს;
  - დ) სტუდენტთან დაკავშირებით გამოცემული ყველა ინდივიდუალური სამართლებრივი აქტის დამოწმებულ ამონაწერს ან დამოწმებულ ასლს;
  - ე) დაწესებულების მიერ სტუდენტზე გაცემული სერტიფიკატებისა და დიპლომების ასლებს;
2. სტუდენტის პირად საქმეს და სასწავლო ბარათის შევსებას ელექტრონული ფორმით აწარმოებს დაწესებულების დებულებით განსაზღვრული სამსახური/პირი;
3. სტუდენტის პირადი საქმე ინახება სტუდენტის მიერ მოცემულ აკადემიურ პროგრამაზე სწავლის მთელი პერიოდის განმავლობაში, რის დასრულების შემდეგ საქმის წარმოების წესის შესაბამისად შესაძლებელია გადაეცემა არქივს.

### **მუხლი 8. აკადემიური კალენდარი და სასწავლო დატვირთვა**

1. აკადემიური პროგრამის ცალკეული კომპონენტების განხორციელების დაგეგმვას ახორციელებენ დაწესებულების დებულებით განსაზღვრული სამსახურები, რაც დასამტკიცებლად წარედგინება რექტორს;

2. აკადემიური კალენდარი მოიცავს შემდეგ ინფორმაციას:

- ა) სემესტრის დაწყების და დასრულების თარიღებს;
  - ბ) მეცადინეობების განრიგს;
  - გ) არდადეგებს და გამოსასვლელ დღეებს;
  - დ) პრაქტიკების დაწყებისა და დასრულების თარიღებს;
  - ე) შუალედური შეფასებებისა და დასკვნითი გამოცდის ჩატარების/გადაბარების თარიღებს და დროს;
  - ვ) სხვა საჭირო ინფორმაციას.
3. სასწავლო - აკადემიური წელი ორმოც (40) კვირიანია. სემესტრი ოცკვირიანი(20). აქედან, თხუთმეტი (15) კვირა ეთმობა ლექციასა და ჯგუმი მუშაობას, ორი კვირა - მეექვსე (6) და მეთორმეტე (12) - შუალედურ შეფასებებს, მეთვრამეტე (18) და მეცხრამეტე (19) კვირა ეთმობა დასკვნით გამოცდას. დასკვნითი გამოცდის წინა კვირა ეთმობა შუალედური შეფასებების აღდგენას
4. საკრედიტო სისტემის შესაბამისად, სტუდენტის დატვირთვა ერთი აკადემიური წლის განმავლობაში მოიცავს საშუალოდ 60 კრედიტს, რაც შეესაბამება სასწავლო საქმიანობის 1500-1800 ასტრონომიულ საათს. ერთი კრედიტი თბილისის სასწავლო უნივერსიტეტ "გორგასალში" მოიცავს სტუდენტის სასწავლო საქმიანობას 25 ასტრონომიული საათის განმავლობაში.
5. დასაშვებია სტუდენტის წლიური დატვირთვა აღემატებოდეს 60 კრედიტს ან იყოს 60 კრედიტზე ნაკლები. დაუშვებელია სტუდენტის წლიური დატვირთვა აღემატებოდეს 75 კრედიტს.

- შესაძლებელია რეგულირებადი სპეციალობების საგანმანათლებლო პროგრამებში საუნივერსიტეტო დისციპლინების სწავლება განისაზღვროს არჩევითობის საფუძველზე.
- არჩევითი სასწავლო კურსის სწავლება განხორციელდება ამ არჩევითი დისციპლინის შემსწავლელთა ჯგუფში არანაკლებ 10 სტუდენტის ჩაწერის შემთხვევაში.

### **მუხლი 9. სემესტრული გადასახადი**

- თბილისის სასწავლო უნივერსიტეტ „გორგასალში“ სწავლის საფასური განისაზღვრება სემესტრული გადასახადით. გადასახადის ოდენობას დამფუძნებლის წარდგინებით, ყოველწლიურად ამტკიცებს უნივერსიტეტის აკადემიური საბჭო.
- სახელმწიფო გრანტით ნაწილობრივი დაფინანსების მქონე სტუდენტებმა სახელმწიფო დაფინანსებასა და სწავლის რეალურ საფასურს შორის სხვაობა უნდა დაფარონ ადმინისტრაციული რეგისტრაციისათვის დადგენილ ვადებში;
- სტატუსშეჩერებული სტუდენტისათვის სწავლის გაგრძელების შემთხვევაში სწავლის საფასური განისაზღვრება სტუდენტის სტატუსის აღდგენისას დადგენილი ტარიფით;
- პირმა, რომელსაც შეუწყდა სტუდენტის სტატუსი, აღდგენის შემთხვევაში უნდა განაახლოს ხელშეკრულება უნივერსიტეტთან. ამ შემთხვევაში სწავლის საფასური განისაზღვრება სტუდენტის სტატუსის აღდგენისას დადგენილი ტარიფით;
- უნივერსიტეტში მობილობის წესით ჩარიცხული სტუდენტების სწავლის სემესტრული საფასური განისაზღვრება მოცემულ სპეციალობაზე მიმდინარე სასწავლო წელს დადგენილი ტარიფით;
- სტუდენტს უფლება აქვს, სასწავლო პროცესის დაწყებიდან არა უმეტეს ერთი თვის ვადაში მოითხოვოს ადმინისტრაციული რეგისტრაციის გაუქმება. აღნიშნული ვადის გასვლის შემდეგ იგი კარგავს გადახდილი თანხის დაბრუნების მოთხოვნის უფლებას;
- სტუდენტის მიერ ადმინისტრაციული რეგისტრაციის გავლა ნიშნავს მის მზაობას, მონაწილეობა მიიღოს სასწავლო პროცესში, შესაბამის სემესტრულ-შუალედურ შეფასებასა და დასკვნით გამოცდაში. აკადემიური რეგისტრაციის გაუქმების ან არჩეული საგნის შეცვლის მოთხოვნა დასაშვებია სასწავლო პროცესის დაწყებიდან ერთი თვის ვადაში, რის შემდეგ დაუშვებელია მომსახურების მიუღებლობის მოტივით გადახდილი თანხის ან მისი მომდევნო სემესტრში გადატანის მოთხოვნა;
- ადმინისტრაციული რეგისტრაციის დადგენილ ვადებში გავლის გარეშე სტუდენტის სასწავლო პროცესში თვითნებური მონაწილეობა არ წარმოშობს მის უფლებას მოითხოვოს ადმინისტრაციული რეგისტრაციის დამატებით გავლა და მიღებული მომსახურების (შუალედური შეფასების) აღიარება;
- კონკრეტული სასწავლო კურსის გავლის შემდეგ(დამატებითი გამოცდის ჩათვლით) არადაამაკმაყოფილებელი შეფასების (Fx, F) მიღებისას, სტუდენტმა ხელახლა უნდა გაიაროს აღნიშნული კურსი (მხოლოდ სავალდებულო დისციპლინა, არჩევითი სურვილისამებრ) და გადაიხადოს თანხა, ამ კურსისათვის მინიჭებული კრედიტების ოდენობის შესაბამისად.

### **მუხლი 10. დამატებითი სემესტრის გავლა**

- სტუდენტს უფლება აქვს საგანმანათლებლო პროგრამით გათვალისწინებულ ვადებსა და თვითდაფინანსების ფარგლებში განმეორებით მოისმინოს ცალკეული სასწავლო კურსები სემესტრულ სამუშაო ნორმად დადგენილი კრედიტების ოდენობით;
- სტუდენტს, რომელმაც საგანმანათლებლო პროგრამით განსაზღვრულ ვადაში ვერ მოიპოვა შესაბამისი აკადემიური ხარისხი, უფლება ეძლევა თვითდაფინანსების გზით დაასრულოს სასწავლო პროგრამა მომდევნო, ბაკალავრიატის სტუდენტისათვის არაუმეტეს ოთხი სემესტრის, ხოლო მაგისტრატურის სტუდენტისათვის ორი სემესტრის მანძილზე;

3. სტუდენტს დამატებითი სემესტრის სწავლის საფასური განესაზღვრება შესწავლილი დისციპლინების კრედიტების მოცულობით ან სემესტრული გადასახადის შესაბამისად, შემდეგი წესით:

ა) სემესტრში დაგეგმილი საგანმანათლებლო პროგრამის (30კრედიტის მოცულობით) სრულად გავლის შემთხვევაში საფასური განისაზღვრება მიმდინარე სასწავლო წელს დადგენილი ტარიფით;

ბ) ცალკეული სასწავლო კურსის შესწავლისას საფასური განისაზღვრება საგნისთვის მინიჭებული კრედიტის შესაბამისად; ერთი კრედიტის საფასური შეადგენს სემესტრული სწავლის საფასურის ოცდამეათედს (1/30);

4. სტუდენტს, რომელიც დამატებითი სემესტრებით გათვალისწინებულ ვადებშიც ვერ დააგროვებს შესაბამისი აკადემიური ხარისხის მინიჭებისათვის საჭირო კრედიტებს, უწყდება სტუდენტის სტატუსი და იძენს კურსმოსმენილის სტატუსს, რომელიც დასტურდება შესაბამისი აკადემიური ცნობით.

### **მუხლი 11. გამოცდების ჩატარების წესი**

1. სტუდენტის სემესტრულ დასკვნით გამოცდაზე დაშვებისათვის აუცილებელი მინიმალური ქულაა 21.

2. სტუდენტთა გამოცდაზე ჩაჭრის საფუძველია:

ა) დანიშნულ გამოცდაზე გამოუცხადებლობა არასაპატიო მიზეზით და გამოცდის მსვლელობისას აუდიტორიის დატოვება;

ბ) შეფასების მიღება გამომცდელოზე მუქარით, ფიზიკური თუ ფსიქოლოგიური ზემოქმედებით, მოტყუებით, თაღლითობით და სხვა დაუშვებელი ხერხების გამოყენებით;

გ) გამოცდაზე სხვისი ნაშრომის ან დაუშვებელი ჩანაწერების (ე.წ. "შპარგალკა") გამოყენება;

დ) აუდიტორიიდან გაძევება გამოცდის ჩაშლის მცდელობის ან საგამოცდო განაწესის დარღვევის გამო;

ე) დასკვნით გამოცდაზე შეფასების კომპონენტისათვის დადგენილ ქულათა 50% ან მასზე ნაკლების მიღება;

3. დანიშნული გამოცდის საპატიო მიზეზით გადადება ან გამოცდაზე უარის თქმა შესაძლებელია სტუდენტის წერილობითი განცხადების საფუძველზე, მოთხოვნის საპატიო მიზეზის მითითებითა და დასაბუთებით;

4. გამოცდის განმეორებით ჩაბარების პირობებია:

ა) სემესტრულ დასკვნით გამოცდაზე ჩაჭრილ სტუდენტებს, რომლის შეფასებათა ჯამი 41-დან 50 ქულამდეა, კიდევ ერთხელ ეძლევა დასკვნით გამოცდაზე გასვლის უფლება, კურსის განმეორებით მოსმენის გარეშე;

ბ) სემესტრულ დასკვნით გამოცდაზე სტუდენტის მიერ მაქსიმალური ქულის 50%-ს +1 ქულაზე ნაკლების მიღების შემთხვევაში, მას ეძლევა დამატებით გამოცდაზე გასვლის უფლება, კურსის განმეორებით მოსმენის გარეშე;

გ) თუ მიღებულ ქულათა ჯამი 41 ქულაზე ნაკლებია, სტუდენტი ვალდებულია განმეორებით მოისმინოს სასწავლო კურსი;

დ) საბაკალავრო ან სამაგისტრო ნაშრომის უარყოფითი (F) შეფასების შემთხვევაში, მისი განმეორებით დაცვაზე წარმოდგენა იმავე სემესტრში დაუშვებელია;

ე) შუალედური შეფასებების აღდგენაზე სტუდენტის დაშვების საკითხს წყვეტს ფაკულტეტის დეკანი.

5. დაუშვებელია სტუდენტისათვის ერთ დღეს, ერთზე მეტ დისციპლინაში დასკვნითი გამოცდის ჩატარება.

### **6. სტუდენტის შეფასება ხორციელდება შემდეგი წესით:**

ა) სტუდენტთა მიღწევების შეფასება უწყვეტი და სწავლების სრული ციკლის თანამდევ პროცესია. სწავლების ყველა საფეხურის სტუდენტისთვის შეფასება მიმდინარეობს მთელი სასწავლო წლის/სემესტრის მანძილზე. დაუშვებელია სტუდენტის მიერ მიღწეული სწავლის შედეგების

ერთჯერადად - მხოლოდ დასკვნითი გამოცდის საფუძველზე შეფასება. შესაბამისად, სტუდენტის საბოლოო შეფასება წარმოადგენს შუასემესტრული, დასკვნითი/ფინალური გამოცდ(ებ)ის დადებითი შედეგების ჯამს. დასკვნითი გამოცდის შესაბამის ქულათა რაოდენობა არის 30. თუ სტუდენტი ვერ აგროვებს ფინალურ გამოცდაზე 51 ქულას ან მეტს, ამ დასკვნითი გამოცდის ქულა ანულირდება ხელშეორედ დასკვნით გამოცდაზე გასვლის დროს. დანარჩენი 70 ქულა სტუდენტმა უნდა მოაგროვოს სემესტრული შეფასებების დროს.

შეფასების სისტემა არის მრავალკომპონენტური, 100 ქულიანი და იგი ევროპული კრედიტის დაგროვების ტრანსფერის სისტემის ძირითადი არსია, როგორც პროცესის უწყვეტობის, მყარი ცოდნის, სწავლის და ზოგად და დარგობრივ კომპეტენციებზე ორიენტირებული ცოდნის მიღების ძირითადი ინსტრუმენტი.

სტუდენტის მიერ გაწეული სემესტრული შრომის შეფასება გარკვეული შეფარდებით უნდა ითვალისწინებდეს:

- შუალედურ შეფასებებს;
- დასკვნითი გამოცდის შეფასებას.

**ბ) სემესტრული მუშაობის შეფასებისას მხედველობაში მიიღება სხვადასხვა კომპონენტი, რომლებშიც აისახება სტუდენტის მუშაობის ხარისხი. შეფასების თითოეულ კომპონენტს მინიჭებული აქვს ქულების გარკვეული რაოდენობა. კერძოდ:**

**I. სემესტრული აქტივობა 0 – 30 ქულა** ( მოიაზრება ყველა ის აქტივობა, რომელსაც სტუდენტი სემესტრის განმავლობაში წარმართავს: ჯგუფში მუშაობა, დებატებში მონაწილეობა, პრეზენტაცია, რეფერატის შესრულება და ა.შ. ფასდება ლექტორის მიერ ინდივიდუალურად. 30 ქულის გადანაწილებაში პედაგოგი თავისუფალია);

**II. ორი შუალედური შეფასება ——— 0 – 40 ქულა** (შუალედური შეფასება ტარდება წერითი ფორმით მე-6 და მე-12 კვირებში. თითოეულის მაქსიმალური შეფასებაა -20 ქულა). სტუდენტის მიერ შუასემესტრულ კომპონენტებში მიღებული შეფასებები ძალაში რჩება მხოლოდ მიმდინარე სემესტრის განმავლობაში, დამატებითი დასკვნითი გამოცდის დასრულებამდე. მომდევნო სემესტრში ან კურსის თავიდან გასვლის შემთხვევაში იმავე კურსის თავდაპირველი სწავლებისას მიღებული შუასემესტრული შეფასებები მხედველობაში აღარ მიიღება.

**III. დასკვნითი გამოცდა ——— 0 – 30 ქულა** (ტარდება სასწავლო პროცესის დასრულების შემდეგ სასესიო პერიოდში - მე-18 – 19 კვირას წერითი (ბილეთები / ტესტები/საკითხები) ფორმით. მაქსიმალური შეფასებაა - 30 ქულა).

**დასკვნით გამოცდაზე დასაშვები მინიმალური ქულა შეადგენს 21-ს.**

**გ) ცოდნის საბოლოო შეფასება წარმოებს აღნიშნულ კომპონენტებში დაგროვილი ქულების საერთო ჯამის მიხედვით – შემდეგი შკალის შესაბამისად:**

ქულების რაოდენობა	ნიშანი	შეფასება
91–100	A	ფრიადი
81–90	B	ძალიან კარგი
71–80	C	კარგი
61–70	D	დამაკმაყოფილებელი
51–60	E	საკმარისი
41–50	FX	ვერ ჩააბარა (სტუდენტს მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება)

0-40	F	ჩაიჭრა (სტუდენტის მიერ ჩატარებული სამუშაო არ არის საკმარისი. მას საგანი ახლიდან აქვს შესასწავლი)
------	---	--

დ) სტუდენტს დამატებით გამოცდაზე გასვლის უფლება აქვს იმავე სემესტრში. დასკვნით და შესაბამის დამატებით გამოცდას შორის შუალედი უნდა იყოს არა ნაკლებ 10 დღისა.

ე) 100 ქულა წარმოადგენს სტუდენტის მაქსიმალურ საბოლოო შეფასებას. სტუდენტის მიერ 100-დან 51 ქულის დაგროვების შემთხვევაში საგანი ჩაბარებულად ითვლება. 41-დან 50 ქულამდე დაგროვების შემთხვევაში სტუდენტს ეძლევა დასკვნით გამოცდაზე კიდევ ერთხელ გასვლის უფლება კურსის გამეორების გარეშე. თუ სტუდენტმა ამ შემთხვევაშიც 41-ზე ნაკლები ქულა დაგროვა. მან თავიდან უნდა გაიაროს სასწავლო კურსი.

ვ) თუ შეფასებას რამდენიმე გამომცდელი ახდენს, საბოლოო შეფასება საშუალო შეფასების საშუალო ართმეტიკულია.

**7. სტუდენტის შეფასების სისტემა**

საქართველოს განათლებისა და მეცნიერების მინისტრის ბრძანების (№3 2007 წლის 5 იანვარი)საფუძველზე სტუდენტის შეფასების სისტემა უშვებს:

**ა) ხუთი სახის დადებით შეფასებას:**

- (A) ფრიადი - მაქსიმალური შეფასების 91% და მეტი;
- (B) ძალიან კარგი - მაქსიმალური შეფასების 81-90%
- (C) კარგი - მაქსიმალური შეფასების 71-80%
- (D) დამაკმაყოფილებელი - მაქსიმალური შეფასების 61-70%
- (E) საკმარისი - მაქსიმალური შეფასების 51-60%

**ბ) ორი სახის უარყოფით შეფასებას:**

- (FX) ვერ ჩააბარა - მაქსიმალური შეფასების 41-50%, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) ჩაიჭრა - მაქსიმალური შეფასების 40% და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი თავიდან აქვს შესასწავლი.

**8. გამოცდის შედეგების გასაჩივრება**

სტუდენტი, რომელიც არ ეთანხმება სემესტრულ დასკვნით გამოცდაზე მიღებულ შეფასებას, უფლებამოსილია, შედეგის ოფიციალური გამოქვეყნებიდან ერთი კვირის ვადაში დასაბუთებული საჩივრით მიმართოს შესაბამისი ფაკულტეტის დეკანს ან უნივერსიტეტის რექტორს და მოითხოვოს შედეგების გადასინჯვა;

**9. GPA - ის გაანგარიშება**

ა) თბილისის სასწავლო უნივერსიტეტის "გორგასალი"კურსდამთავრებულთა დიპლომის საშუალო ნიშნის გასაანგარიშებლად თავდაპირველად ხდება სტუდენტის მიერ მიღებული შეფასებების შესაბამისობის დადგენა GPA- თან ქვემოთ წარმოდგენილი პრინციპით:

შეფასება	ქულობრივი მაჩვენებელი	GPA ქულობრივი მაჩვენებელი	GPA
----------	-----------------------	---------------------------	-----

(A) „ფრიადი“	91 – 100	96 – 100	<b>4.0</b>
		91 - 95	<b>3.7</b>
(B) „ძალიან კარგი“	81 - 90	87 - 90	<b>3.3</b>
		84 - 86	<b>3</b>
		81 - 83	<b>2.7</b>
(C) „კარგი“	71 - 80	76 - 80	<b>2.3</b>
		71 - 75	<b>2.0</b>
(D) „დამაკმაყოფილებელი“	61 - 70	66 - 70	<b>1.7</b>
		61 - 65	<b>1.3</b>
(E) „საკმარისი“	51 - 60	56 - 60	<b>1.0</b>
		51 - 55	<b>0.7</b>

ბ) კურსდამთავრებულის დიპლომის საშუალო ნიშნის - (GPA) - ს გაანგარიშების დროს გათვალისწინებული უნდა იქნას სტუდენტის მიერ უნივერსიტეტში სწავლების შესაბამის საფეხურზე მიღებული ყველა შეფასება;

გ) კურსდამთავრებულის დიპლომის საშუალო ნიშნის - (GPA) - ს გაანგარიშება ხდება დიპლომის დანართში მოცემული ინფორმაციის საფუძველზე შემდეგი წესის მიხედვით:

- სტუდენტის მიერ თითოეულ სასწავლო კურსში მიღებული შეფასების საშუალო ქულა - (GPA) მრავლდება ამ კურსის კრედიტების რაოდენობაზე;
- ამგვარად მიღებული ნამრავლთა ჯამი იყოფა ყველა სასწავლო კურსის კრედიტების საერთო რაოდენობაზე;
- მიღებული სიდიდე წარმოადგენს დიპლომის საშუალო ქულას - (GPA)-ს.

### მუხლი 12. ნიშნების გადაყვანა ქულებში

ნიშნების გადაყვანა ქულებში განხორციელდეს შემდეგი წესით:

ქულათა მაქსიმალური რაოდენობის %	შეფასება	შეფასების კლასიფიკაცია
85%-ზე მეტი	„ფრიადი“ (5)	დადებითი
70% – 84%	„კარგი“ (4)	დადებითი
50% – 69%	„დამაკმაყოფილებელი“ (3)	დადებითი
50%-ზე ნაკლები	„არადამაკმაყოფილებელი“ (2)	უარყოფითი
50% და მეტი	„ჩათვლა“	დადებითი
50%-ზე ნაკლები	„არჩათვლა“	უარყოფითი

### მუხლი 13. თავისუფალი კრედიტი

თავისუფალი კრედიტის ფარგლებში სტუდენტს შეუძლია, მოისმინოს ყველა ის სასწავლო დისციპლინა, რომელსაც წინაპირობა არ გააჩნია.

### მუხლი 14. აკადემიური ხარისხის მინიჭება და დიპლომი

1. საუნივერსიტეტო განათლების ცალკეული საფეხურის დასრულების შემდეგ კურსდამთავრებულს ენიჭება შესაბამისი აკადემიური ხარისხი. ბაკალავრის, მაგისტრის და დიპლომირებული



**სტომატოლოგის** აკადემიურ ხარისხს, დადგენილი წესის თანახმად, ანიჭებს თბილისის სასწავლო უნივერსიტეტი „გორგასალი“ შესაბამისი ფაკულტეტის წარდგინების საფუძველზე;

2. აკადემიური ხარისხს ადასტურებს სასწავლო უნივერსიტეტის რექტორისა და ფაკულტეტის დეკანის მიერ ხელმოწერილი და უნივერსიტეტის ბეჭდით დამოწმებული დიპლომი, სტანდარტული დანართითურთ.

3. დიპლომი "წარჩინებით" გაიცემა იმ შემთხვევაში, თუ სტუდენტის მიერ შესწავლილ საგანთა 75% არის A შეფასებით, ხოლო 25% - B შეფასებით.

#### **შუალედური კვალიფიკაცია**

4. დაწესებულების აკადემიური საბჭო უფლებამოსილია ბაკალავრიატის საგანმანათლებლო პროგრამის ნაწილის გავლის შემთხვევაში სტუდენტის განცხადების საფუძველზე, პროგრამის ხელმძღვანელის მოტივირებული გადაწყვეტილებით და ხარისხის მართვის სამსახურის ვიზირებით, მიანიჭოს სტუდენტს შუალედური კვალიფიკაცია.

5. შუალედური კვალიფიკაცია სტუდენტს ენიჭება ბაკალავრიატის საგანმანათლებლო პროგრამის ფარგლებში არსებული მოკლე ციკლისთვის გათვალისწინებული კრედიტების რაოდენობის ათვისების შედეგად.

6. შუალედური კვალიფიკაციის მინიჭება დასაშვებია შესაბამისი საგანმანათლებლო პროგრამის ნაწილის გავლისთვის დადგენილი სწავლის შედეგების მიღწევის შემდეგ, რომელიც არ შეიძლება, იყოს საგანმანათლებლო პროგრამით გათვალისწინებული კრედიტების ნახევარზე ნაკლები.

7. შუალედური კვალიფიკაციის მინიჭების შესახებ რექტორი გამოსცემს ინდივიდუალურ სამართლებრივ აქტს.

#### **მუხლი 15. სტუდენტთა გადასვლა სხვა სასწავლებელში მობილობის წესით**

1. სურვილის შემთხვევაში, სასწავლებელი ხელს უწყობს სტუდენტთა გადასვლას სხვა სასწავლებელში მობილობის წესით, რისთვისაც სტუდენტი შესაბამისი განცხადებით მიმართავს ადმინისტრაციას;

2. ადმინისტრაცია ვალდებულია, სტუდენტს დაუყოვნებლივ მისცეს პირადი საქმის ასლი.

#### **მუხლი 16. სტუდენტთა ჩარიცხვა მობილობის წესით**

1. მობილობის მსურველი შესაბამისი განცხადებით მიმართავს ადმინისტრაციას, რასაც თან უნდა დაერთოს შემდეგი დოკუმენტაცია:

ა) სტუდენტის ჩარიცხვის შესახებ ინდივიდუალური სამართლებრივი აქტის დამოწმებული ასლი;

ბ) ცნობა აკადემიური პროგრამის ფარგლებში უკვე ათვისებული ან აღიარებული კრედიტების შესახებ;

გ) პირადობის დამადასტურებელი დოკუმენტის ასლი.

2. ხარისხის მართვის სამსახური ზოგიერთ შემთხვევაში უფლებამოსილია, მობილობის მსურველს გაუზიაროს წერილობითი დასაბუთებული მოთხოვნა დამატებითი დოკუმენტების წარმოდგენის თაობაზე.

3. ხარისხის მართვის სამსახური სასწავლო პროცესის მართვის სამსახურთან ერთად ამოწმებს სტუდენტის მიერ გავლილი აკადემიური პროგრამის კომპონენტების შესაბამისობას დაწესებულების ანალოგიურ პროგრამებთან, სტუდენტის ჩარიცხვის კანონიერების საკითხს, გავლილი საგანმანათლებლო პროგრამის აღიარების შესაძლებლობის საკითხს და პროგრამის ხელმძღვანელთან ერთად ამზადებს დასკვნას მობილობის მსურველის მიერ ათვისებული კრედიტების აღიარების თაობაზე.

4. სტუდენტს უფლება აქვს, მონაწილეობა მიიღოს ინდივიდუალური საგანმანათლებლო გრაფიკის შემუშავებაში;

5. დასკვნა და ინდივიდუალური სამართლებრივი აქტის პროექტი ეგზავნება განათლების ხარისხის განვითარების ეროვნულ ცენტრს და ცენტრის დადებითი დასკვნის შემთხვევაში ხორციელდება სტუდენტის ჩარიცხვა კანონმდებლობით დადგენილი პროცედურების დაცვით;

6. მობილობის განხორციელებამდე ხარისხის უზრუნველყოფის სამსახური ვალდებულია, შეამოწმოს სტუდენტის მონაცემების შესაბამისობა მიმღები პროგრამის ჩარიცხვის წინაპირობებთან (არსებობის შემთხვევაში). დასაშვებია იმ სასწავლო დისციპლინის აღიარება, რომელიც არ არის გათვალისწინებული მიმღები დაწესებულების საგანმანათლებლო პროგრამით.

### **მუხლი 17. შიდა მობილობა**

1. შიდა მობილობა გულისხმობს სტუდენტის მიერ არჩეული აკადემიური პროგრამის შეცვლას დაწესებულების ფარგლებში.

2. შიდა მობილობა შესაძლებელია პირველი სასწავლო სემესტრის დასრულების შემდეგ;

3. შიდა მობილობის პროცედურის დაწყების საფუძველია სტუდენტის განცხადება, რომლის საფუძველზეც დადგინდება სტუდენტის მიერ ათვისებული კრედიტების თავსებადობის საკითხი აღიარებისათვის ამ თავით გათვალისწინებული წესით და მზადდება შესაბამისი დასკვნა და ინდივიდუალური პროგრამა. იმ შემთხვევაში, თუ სტუდენტი თანახმაა, სწავლა განაგრძოს შეთავაზებული პირობებით, შიდა მობილობის ფაქტი ფორმდება რექტორის ინდივიდუალური სამართლებრივი აქტით და მონაცემები ამ თავით დადგენილი წესით შეიტანება სტუდენტთა რეესტრში.

4. სტუდენტს უფლება აქვს, მონაწილეობა მიიღოს ინდივიდუალური საგანმანათლებლო გრაფიკის შემუშავებაში;

5. შიდა მობილობით პროგრამის შეცვლამდე ხარისხის მართვის სამსახური ვალდებულია, შეამოწმოს სტუდენტის მონაცემების შესაბამისობა მიმღები საბაკალავრო პროგრამის ჩარიცხვის წინაპირობებთან.

### **მუხლი 18. მიღებული განათლების აღიარება**

1. პირის მიერ უცხოეთში მიღებული განათლების აღიარება (ცნობა) ხორციელდება სსიპ განათლების ხარისხის განვითარების ეროვნული ცენტრის მიერ, კანონმდებლობით დადგენილი წესით;

2. საქართველოს სხვა უმაღლეს საგანმანათლებლო დაწესებულებაში მიღებული განათლების (კრედიტების) აღიარება ხორციელდება დაწესებულების ხარისხის მართვის სამსახურის და შესაბამისი საგანმანათლებლო პროგრამის სპეციალისტების მიერ, მიღებული ცოდნის, უნარებისა და ფასეულობების საგანმანათლებლო პროგრამასთან შესაბამისობის დადგენის გზით.

3. თუ საბაკალავრო პროგრამის უკვე ათვისებული კომპონენტის სახელწოდება მცირედით განსხვავდება დაწესებულების საგანმანათლებლო საბაკალავრო პროგრამის კომპონენტისაგან, თუმცა შინაარსობრივად, ასათვისებელი კვალიფიკაციების მიხედვით იდენტური ან თითქმის იდენტურია, ის შეიძლება, იქნას აღიარებული დაწესებულების მიერ.

4. ამ მუხლის მე-3 პუნქტის დებულებათა გათვალისწინებით, თუ პირის მიერ გავლილი სასწავლო კომპონენტის კრედიტები იდენტურია დაწესებულების საგანმანათლებლო პროგრამის კომპონენტისა, მისი აღიარება ხდება ავტომატურად;

5. ამ მუხლის მე-3 პუნქტის დებულებათა გათვალისწინებით, თუ პირის მიერ გავლილი სასწავლო კომპონენტის კრედიტები მეტია, ვიდრე დაწესებულების საგანმანათლებლო პროგრამის კომპონენტისა,

**სტუდენტის კრედიტების აღიარება ხდება არსებული პროგრამის მიხედვით, თუმცა გათვალისწინებული უნდა იქნას სპეციალობის სპეციფიკა.**

6. ამ მუხლის მე-3 პუნქტის დებულებათა გათვალისწინებით, თუ პირის მიერ გავლილი სასწავლო კომპონენტის კრედიტები ნაკლებია, ვიდრე დაწესებულების საგანმანათლებლო პროგრამის კომპონენტისა, სტუდენტის კრედიტების აღიარება ხდება ათვისებული საგანმანათლებლო პროგრამის მიხედვით;

7. ამ მუხლის მე-5 და მე-6 პუნქტებიდან გამონაკლისები შესაძლოა, დაშვებულ იქნას ხარისხის მართვის სამსახურის მოტივირებული დასკვნის საფუძველზე, პროგრამის ხელმძღვანელის რეკომენდაციით, თუმცა, აღიარებულ და ასაღიარებელ კრედიტებს შორის სხვაობა არ უნდა აღემატებოდეს 2 კრედიტს.

### **მუხლი 19. მოწმობა**

პირს, რომელმაც არ ან ვერ დაასრულა საბაკალავრო პროგრამა, ეძლევა სათანადო ცნობა.

### **მუხლი 20. განსაკუთრებული საგანმანათლებლო საჭიროების მქონე სტუდენტები**

1. განსაკუთრებული საგანმანათლებლო საჭიროების მქონე სტუდენტებისათვის ხელმისაწვდომი უნდა იყოს დაწესებულების მიერ შეთავაზებული ნებისმიერი სახის სერვისი;

2. გადაადგილებაში უნარშეზღუდული სტუდენტებისათვის სასწავლო პროცესი იგეგმება სასწავლო კორპუსის პირველ სართულზე.

3. ზოგიერთ საბაკალავრო პროგრამაზე განსაკუთრებული საგანმანათლებლო საჭიროების მქონე სტუდენტების ჩარიცხვის შემთხვევაში, დაწესებულება ვალდებულია სამედიცინო სამსახურის ორგანიზებით გამართოს კონსულტაციები სტუდენტთან და პრაქტიკის ობიექტთან (პროგრამაში პრაქტიკის კომპონენტის არსებობის შემთხვევაში), საბაკალავრო პროგრამის სრულფასოვნად ათვისების შესაძლებლობის არსებობისა და პირობების უზრუნველყოფის მიზნით.

**მუხლი 21 . საბაკალავრო და სამაგისტრო აკადემიური პროგრამების შეცვლის ან გაუქმების შემთხვევაში ამ პროგრამებზე ჩარიცხული ბაკალავრების და მაგისტრანტების შემდგომი განათლების უზრუნველყოფის მექანიზმი.**

1. თბილისის სასწავლო უნივერსიტეტ „გორგასალი“ აკადემიურ პროგრამაზე ჩარიცხული სტუდენტების შემდგომი განათლებით უზრუნველყოფა ხორციელდება შემდეგ შემთხვევებში:  
ა) პროგრამის შეცვლა მანამდე, ვიდრე სტუდენტი დაასრულებს პროგრამით გათვალისწინებული კრედიტების სრულად მოპოვებას;

ბ) პროგრამის გაუქმება მანამდე, ვიდრე სტუდენტი მოიპოვებდეს პროგრამით გათვალისწინებულ აკადემიურ ხარისხს;

გ) პროგრამის არამოქმედება ერთიანი ეროვნული/საერთო სამაგისტრო გამოცდებით პირველ კურსზე ჩასარიცხი კონტიგენტის არარსებობის შემთხვევაში;

დ) უფლებამონაცვლის განსაზღვრის გარეშე თბილისის სასწავლო უნივერსიტეტის „გორგასალი“ უფლებამოსილების შეწყვეტის შემთხვევაში.

2. აკადემიური პროგრამის შეცვლის ან გაუქმების შემთხვევაში, ამ პროგრამის ფარგლებში მიღებული კრედიტების აღიარება ხდება თბილისის სასწავლო უნივერსიტეტ „გორგასალის“ სტუდენტთა ცოდნისა და უნარ-ჩვევების შეფასების წესების შესაბამისად.

**მუხლი 22. სტუდენტის შემდგომი განათლებით უზრუნველყოფა**

1. თბილისის სასწავლო უნივერსიტეტ „გორგასალის“ უფლებამონაცვლის განსაზღვრის გარეშე ლიკვიდაციის შემთხვევაში, თბილისის სასწავლო უნივერსიტეტ „გორგასალის“ სტუდენტები ჩაითვლებიან სტატუსშეჩერებულ პირებად და აკადემიურ პროგრამებზე ჩარიცხულ ყველა სტუდენტზე ვრცელდება საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანებით „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის დამტკიცების შესახებ“ გათვალისწინებული პირობები.

2. აკადემიური პროგრამის გაუქმების შემთხვევაში, რომელიც შეიძლება, გამოწვეული იყოს უნივერსიტეტის სტატუსის შეცვლით ან სხვა ობიექტური მიზეზებით, გაუქმებულ პროგრამებზე ჩარიცხული სტუდენტები სარგებლობენ სტუდენტის სტატუსით და შემდგომი განათლების უზრუნველყოფის მიზნით:

ა) სარგებლობენ მობილობის უფლებით დადგენილი წესების შესაბამისად;

ბ) სასწავლო უნივერსიტეტი თავისი კომპეტენციისა და შესაძლებლობების ფარგლებში ხელს უწყობს სტუდენტს სწავლის გაგრძელებაში, რისთვისაც:

- ბიზნესის ადმინისტრირების მიმართულებით პროგრამის გაუქმების ან შეცვლის შემთხვევაში სტუდენტებს სთავაზობს ამ მიმართულებით მოქმედ თავსებად სხვა აკადემიურ პროგრამებზე სწავლის გაგრძელებას შეცვლილი ან გაუქმებული პროგრამების ფარგლებში მიღებული კრედიტების აღიარებით;
- სამართლის, ჯანდაცვისა და ჰუმანიტარული მეცნიერებების მიმართულებით გაუქმებულ ან შეცვლილ აკადემიურ პროგრამებზე მყოფი სტუდენტისთვის ვალდებულია, სხვა უმაღლესი საგანმანათლებლო დაწესებულებისათვის გადასაცემად გააფორმოს სტუდენტის მიერ გავლილი პროგრამის აღიარების შეთანხმება და მიღებული გადაწყვეტილების შესახებ აცნობოს განათლების ხარისხის განვითარების ეროვნულ ცენტრს .

3. ერთიანი ეროვნული/საერთო სამაგისტრო გამოცდებით პირველ კურსზე ჩარიცხული სტუდენტისათვის გამოცხადებული პროგრამის არამოქმედების შემთხვევაში უნივერსიტეტი ვალდებულია:

ა) შესთავაზოს სტუდენტს უნივერსიტეტში სხვა თავსებად აკადემიურ პროგრამებზე სწავლის გაგრძელება და პიროვნების, გამოცდების ეროვნული ცენტრის და განათლების ხარისხის განვითარების ეროვნული ცენტრიდან მიღებული თანხმობის საფუძველზე, ჩარიცხოს სტუდენტად შეთავაზებულ პროგრამაზე.

ბ) გონივრულ ვადაში დახმარებისათვის მიმართოს სტუდენტისათვის საკითხის დადებითად გადაწყვეტის მიზნით განათლების ხარისხის განვითარების ეროვნული ცენტრს.

გ) სტუდენტს შესთავაზოს სწავლების ინდივიდუალური ფორმა (გრაფიკი) და თანხმობის შემთხვევაში იზრუნოს შესაბამისი პირობების განუხრელად დაცვაზე.

დ) შეთავაზებაზე უარის თქმის შემთხვევაში სასწავლო უნივერსიტეტი იხსნის პასუხისმგებლობას.